


PRONOSTICA- tion Nouvelle Pour l'an mil cinq cens soixante deux. Composée par  
Maistre Michel Nostradamus Docteur en Médecine, de Salon de Craux en Provence.  
À Paris. Pour la veuve Barbe Regnault demeurant en la rue Saingt lacques, à l'enseigne de  
Lelephant Avec Privilège.  
CF. B.BAYERISCH (MUNICH)  
CHOMARAT 50



**PRONOSTICA-**  
**TION NOUVELLE**  
Pour l'an mil cinq cens  
soixante deux.

Composée par Maistre Michel Nostra-  
damus Docteur en Medecine, de  
Craux en Prouence.



A P A R I S.  
Pour la veue Barbe Regnault, demourant en la rue  
sainct Iacques, à l'enseigne de Lelephant.  
A V E C P R I V I L E G E.

# A L M A N A C H

Pour l'An M. D. LXII.

Nombre d'Or	V.
Cicle Solaire	lii
Epacta Egyptienne	xx iiiii
Indiction Cesarée	v iusques à xx vii Sep- tembre, Puis apres vi.
Lettre Dominical	D
Interualle	vi, sepmaines iii iours
Septuagesime selõ l'vsage Romain	xxv. Jáuier,
Les Cendres	xi Feurier
Pasques	xxix de Mars
Rogations	iii de may
Lascencion	vii de May.
Pentecoste	xvii de May
La trinité	xxiiii de May
La feste Dieu	xxviii de may
L'Aduent	xxix de Nouuembre.

Iours des Nopces.

Depuis le xiiii iusques au xxiiii de Ianuier. Et  
du xvi. d'Auril iusques à ii. de May & du xxv  
de May iusques au xxviii. de Nouuembre les  
Nopces se pourront celebrer.

**E**clipse de Lune sera vn mecredy par les, O & cidentaux le xv iour de Iuillet à xv heures 50. minutes. Et par les Meridionaux sera à neuf heu. par le xvi iour à xvii. min. apres midy durera presque iiii heu. xxxviii min. au trois degré de Aquarius, & sera totalement obscurcie & du cōmencement de son obscurité iusques à la restitutiō de sa lumiere passeront beaucoup plus de trois heures & demeurera en tenebres tellement obscurcie que l'vn ne verra l'autre vne heure & xxiii minutes xv. poincts de la Lune serōt eclipsez avec xxx minutes, qui est eclipse tel rarement aduenu, Dieu vueille que soit pour bié.

Presage vniuersel de l'An. 1562.

**L**es animaux petis que grands, qui viendront à paistre par troupeaux sera faicte grande perte, sera grant abondance de pluie & sera peu de froment & grant abondance d'huyle, par les Meridionaux, pluyes grandes aux Gaules Belghiques Aquitaniques grandes gresles tempestes chenilles & grande playes quelque Roy malade Prince ou Monarque, Le froment se trouuera corrompu, Les Locustes aux Orietaux abonderont & la pestilence, qui sera en plusieurs lieux. Et Dieu sur tout qui nous doins grace de passer tranquillement l'année.

Faciat M. Nostradamus Salone Petre  
Prouincia de mense Aprili 1561.  
pro Anno 1562.

A ij

A Monseigneur, frere & meilleur. Amy, que i'a  
ye en ce monde Cheuallier d'vn vray zelle.

Combié que ie ne vous aye iamais veu ne vo<sup>us</sup>  
moy, sinon par visitations de lettres l'vn à  
l'autre escrites, si est-ce, que la grande conformi  
té de noz esprits, par laquelle i'ay cogneu, que  
ie n'ay iamais sceu si bien deguiser mes Alma  
nachs; ou, Pronostications souz motz couuerts  
& obscurs que ne les ayez descouuers & enten  
duz incontinent aussi bien que moy, cōmequād  
i'eu mis, Lors Cela m'a causé vne si grande ami  
tié entre nous deux que ie ne seray iamais en re  
pos, que ne nous soyōs visitez par mutuelle pre  
sence. Et pource que ie dedie mon Almanach à  
nostre Saint Pere à present nommé Pie quatrie  
me, l'ay bien voulu à vous qui estes Ecclesiasti  
ques, vous dedier ceste mienne Pronostication,  
Laquelle enuoye pour vous presenter par Pier  
re Brotot.

Lentierement vostre frere & meilleur amy  
M. Michel Nostradamus Docteur en mede  
cine de Salon de Craux en Prouence, l'an mil  
cinq cens soixante 2. Priant Dieu vous tenir en  
sa sainte grace, & moy en la vostre.

De la disposition de la presente année 1562.



**E**T pour-ce qu'il me semble d'auoir assez declaré & amplemēt manifesté aux predictions de l'amanach, les aduentures futures de la presente année 1562. si est-ce qu'il est possible qu'on pourroit auoir obmis plusieurs auenemens que aussi aduiendront, les declarerons vne partie dans la presente Pronostication, Et combien que veritablemēt iouxte le iugement du cours des Astres, ceste année icy n'est gueres moins formidable, que sont esté les années precedētes en plusieurs lieux & diuers endroits, mesmes par tout le pays de l'Italie, ou encōres les significations de l'eclipse du Soleil qui est precedante du moys D'aoust lā 1560 qui encōr fait son extention Iusque à toute la presente année 1562 ou le Soleil fut eclipse par la Lune & combien que le soleil soit la lumiere & chandele du ciel, apres Dieu gubernateur du monde astrologiquement parlant facteur du temps le grant Esprit du ciel, pource que les signes en eux se viennēt par luy viuifier. Si est-ce que la Lune inferieuse & mutuant sa lumiere de luy, l'est venu priuer quelque peu de sa lumiere, & comme nous estant à ce inferieur monde sommes regis & gouuernez inferieusement par les corps superieurs celestes fera q̄ ceste année & quelque peu de celle de lan 1563 que plusieurs des regiōs, citez, villes, Contez, duchez, principautez marquisatz & autres infinies satrapies, tellemēt

que ceux q ce seront vsurpez par le passé tant par monarchies tyrannies aristocraties, démocraties & autres vsurpations la plus part par ambition.

Fin de la disposition de ceste presente année.

Du printemps. . . . 1562.

**L**E printemps de ceste année icy. 1562. Com-  
mencera au mardy entrant au mecredy le  
vnziesme du moys de Mars, le Soleil entrât au  
premier poinct d'Aries, lequel sera en son cõ-  
mencement chaulx & humide, estant la Lune à  
12. degrez de Gemini, pluuieux, froid glacial a-  
uec pluyes, ventz, neiges, diuersité de temps, pre-  
paration aux Orientaulx, & manifestes signifi-  
cations & tremblement de Terre: Signifiens la  
terre en son deuoir faire significances manifestes  
d'bondance de tous biens de la terre, tous frui-  
ctz, grains, animaux, faisât aparéce de beaucoup  
de Bledz, & vins & du tout abondant & a pris  
raisonnable, signifiant par aucunes conionctiõs  
que deuers le printéps il se viendront a esmou-  
voir contre hommes & femmes, aucunes se-  
ditions en attendant de faire quelque violence,  
plusieurs animaux mourront, sera faict guerre  
deuers les parties Meridionales, & grãdz ventz  
tellement que aucun des fruietz & fleurs cher-  
rõt en terre & mourrõt la pl<sup>r</sup>pt d'iceux cherrã  
sechera & perira. Et en outre les hõmes les vns  
contre les autres se tresteron paroles, nouue-  
letz diront d'aucuns ce que iamais n'aura esté  
faict dit ne pẽsé. Tellemēt que par telles paro-



les controuées & menfongeres qu'auront dit iniquement les vns contre les autres, & iniustement fera fait vn grãdisime tumulte, bruitz, que relles, & se banderont les vns contre les autres, & mourront plusieurs des bandes a ceux qui seront en lieu plus belles & verte ieunesse, mourront des plus beaux & ceux qui plus seront de plaindre, & ceux qui point ne seront cause du mal. Toutesfois seront tuez & trucez les fauteurs & prometteurs de guerres, & les pl<sup>r</sup> principaux de telles factiõs, & sera faicte grãde pluye & grande inondations precedentes, & abonderont les Fontaines par tous endroitz par le mōde, & plusieurs diceux mourrõt avec vne tarde penitence d'auoir delaißé leur premier institution de viure de la vie monastique, aucües femmes qui auront mal aux mamelles, au gosier, les hommes aux aignes & aux membres de generation. Et la fin du printéps sera chaud humide ayant plus de chaleur que d'humidité, deuers les parties mōstrueuses seront faictes de grandes pluyes & grãdes gresles, les hommes de lettres ne feront pas grant proffit, l'aparence de la terre en fertilité sera grande. Les Roys feront grande iustice & droiciture, & de iugemēt equitable, & leur domination sera en temperature bonne, deuers le pays d'Orient, la guerre y sera grande, en d'autres lieux sera faicte grande expã sion de sang aux temples, puis apres seront subuertis, les souldatz prins desmembrez & dechirez & sera faict plus grand tumulte que iamais

aucun des suietz & plusieurs de infimes conditi  
on & autres se viendront a desdigner de obeir  
à leurs Princes & Seigneurs, la Lune Iupiter &  
Mars dás la troisiemevenát manifester abôdáce  
de grain à la terre, & les voyes, chemins voiajes  
destruits seront molestez par larrons brigans &  
meurdriers & pour cause que Iupiter au com-  
mencement du Printemps est en Gemini, signi-  
fie que sera vne grandissime guerre au pays de  
Larmenie & autres regions souz Gemini mes-  
mes, icelle terre Armenique sans grandement  
molestée, puis sortira vn grant vent Oriental tē-  
dant au Septentrion, qui sera pestifereux & de  
grandes violances, & Saturne estant en la qua-  
triesme souz les rais du Soleil vient a presager  
que pour crainte timidite subite & repentine  
fraieur viendra circunder les hommes ne sca-  
chant la cause de celle fraieur, tellemēt qu'il les  
viendront a exciter à offences, & telle sera l'es-  
mosion & tumulte que les vns molesterōt et in-  
fecteront les autres et alors auāt que soit la fin  
du Printemps seront veuz aucuns signes au ciel  
grandement espouuantables & commettes et  
l'on verra des torches ardantes voller en l'air se-  
ra fait tremblement de terre, les eaux commen-  
ceront vn peu à la fin du printéps a deffaillir les  
nautonics seront en grandissime danger en la  
mer aucuns des fruiçtz par la bruine courant se-  
rōt gastez villes villages citez & forteresses qui  
seront pres du riuages de la mer, seront trou-  
blées & les habitans d'icelles d'vne tres horri-

ble & espouuátable fraieur tant par l'incleméce de l'air, que par les inuasions barbares des pirates & escumeurs des mers qui feront des maux innumerables pillant & vastant tout le pays & le vent Septentrional qui endómagera les frui&ts Dieu par sa grace nous vueille preseruer & la delibération qui est faicte par les princes sortes en bon effect.

De l'esté 1562.

**L** Esté ceste année icy 1562 Commencera le douziesme de Iuin à 5 heures 40 minutes apres midy qui sera le douziesme iour par ascendent cancer & mars avec l'ascendant qui sera en son commencement chaud & sec ayant quelque peu de moderation car par aucunes pluies qui viendront quelque peu à humecter & temperer le temps pour Saturne, Mars Venus & Mercure estans en la quatrieme triplicite a queé Et apres peu à peu commencera de croistre lardeur chaleur & inflámation & secheresse gráde qui causera plusieurs fieures cōtinues ardâtes tierces nothes & de fort lon paroxisme & en outre que arriueront grandes classes barbares de tiremes & yrremes qui spolierót presque tout le riuage marin des Mers orientales depuis la mer de Cecille, Adriatique, Ligustique, Corsique, Sardaigne & presque toute la Mer mediterrannée sera continuellement vastée assallie par depredations des pirates & escumeurs barbares & tant par imaginatiōs que les lieux maritimes que par les continuelles molestations qu'ilz fe-

ront par tous les riuages marins peurs craintes  
fraieurs & repentines avec valpitation de cœur  
viendra tellement de nuict & de iour assaillir les  
couterreanees } & cōtermines, que peres & meres  
lairrōt les enfans dans leurs licetz & berceaux et  
abandonneront leur vie pour le salut d'icelles  
pour n'estre faite proye ne encourir d'entre les  
mains des inhumains Barbares, & se fera le pis  
que en plusieurs endroitz subite pluie & in-  
croiable tempeste de temps donnera à leur fait  
te & sauement & empeschement plus grād, sui-  
uant Mars à demy esté estant dedans le Lion a  
uec venus viēt à signifier que les Orientaux tāt  
de l'oriētal d'asie d'Affrique & l'Europe de tou-  
tes ses trois contrees auront grandissimes guer-  
res, tulmulez & bruitz belliques, tant par Mer  
que par Terre, & fortira dās ceste cité vng nou-  
ueau neptune Chrestie, lequel viendra quelque  
peu à expolier les lieux marines des escumeurs  
& depredateurs, mais deuers les oriētaux de l'A-  
ffrique sortiront de nouueaux pirates qui feront  
encores plus grandes deprendations & demeu-  
rera la mer presque innauigable comme les li-  
eux solitaires, fraieur de briganderie et seront  
aux hommes de grandes douleurs de ventre d'e-  
stomach, de costez & continuelz vomissemens  
vertz de iaunes & au pl<sup>e</sup> ieunes grādes saignees  
de nez que les vexera grandemēt, avec signe de  
pestilences, les marchās & negociateurs seront  
en grandissime crainte & timidité, ioint que  
leurs seigneurs & dominateurs les contraindrē-

a énormes exactions & commettrōt en eux de grāde iniustices. Ceux de parties arabique aurōt des fraieurs grandes & non sans cause souffler a tel vent de telle chaleur, ardeur & inflammatiō qui brulera presque & sechera tout ce qui sera trouuē vert & sec dessus la terre, & ceux qui sortiront des vmbres entrant a lardeur du Soleil, se trouuerront presque ars & bruslez & aussi que par plusieurs & diuerse vengeance & longues ires gardeés de longs temps à l'estomach feront plusieurs qui mettront le feu aux maisōs ia cueillies & plusieurs autres vastations les aparances que aura fait le printēps seront beaucoup meilleurs qu'on ne cuide entre les habitans du midy de l'Afrique & de l'Europe, les riches contre les pauvres se vicndront esmouuoir & sortira grand guerre & sedition & serōt les pauvres deuastes & succōbez deuers le pais de la multitude de quarentesept & quarentehuiēt degrez à cinquante cōme depuis Lyon, par tout le pais de Sauoye, Dauphiné, Bourbonnois, le plat pais iusques à Paris par tout alētour ou est dite la France, la Gaule belgique, Celtique, & Aquitanique deuers la fin de l'esté les pluyes seront grandes avec gresles, tempestes, fouldres, corruications deuastant pais de longitude beaucoup de beatitude peu ne tenant guerres plus que d'une lieue de largeur, mais de longueur descourira grāt pais & deuers les pties meridionales & australes, combien que l'année fait aparoir d'estre abondance de bleds & vins,

si est ce que le tout sera cher & seront grandes ires querelles altercations, diuisions, debatz noises, & inflámations & aparoiſtront au Ciel, peu deuant que le Soleil se absconce & apres auoir esté absconcé de grandes rogeurs, le Ciel vermeil entremeslé de iaune, qui est signe que deuers les Espaignes & la Romanie & aux endroits sugets a Libra, seront de grandes maladies especes de fieures pestilentinles, & seront faictes de grandes effusions de sang, tant pour le faict bellique, que par conspirations & coniuurations descouuertes, & mourront de toute espece de gens pour la mauuaise & affrenée inclemence de l'air, avec preparation a fieures car tes dissinteries & maladies lógues, ceste esté est grandement de craindre par plusieurs sinistres euemens Dieu par sa grace vueille pacifier le temps.

#### De l'Automne 1562.

L'Automne ceste année icy cōmencera le troisieme & quatriesme de septembre a 7. heures 22. minutes apres midy par ascendant le 12. degré de Taurus, qui sera en son commencement froid & sec & grandement remply de bruines & brouillas espes pluies frequentes gresle, tēpeste, vents & toute autre malise de tēps commançāt la Mer par tormēte y estre faict plusieurs & diuers naufrages & sortira par tous les endroits de l'Europe en lieux infinis peut crainte timidi

te fraieurs repentine & suites emotions , telle-  
ment que les vns se viendront esmouuoir con-  
tre les autres sans cause raison, ne ocasion & se-  
ront plusieurs temples frapez exterieusemēt au  
ciel & interieurement seront spoliz par persō-  
nes pollues fraieurs esmuees de subites emoti-  
ons irraisonnables les lieux maritime seront be  
aucoup plus vexes que nulz autres tous les che-  
mins & voyes seront assiegeés les plus grandes  
citez seront en plus grande fraieur les gardes se-  
ront grandes par dedans & par dehors les fre-  
quentateurs des temples seront en perpetuelles  
timidité par peur de spoliation de leurs biens  
et substance et en grandissime dangier de leurs  
persōnes, tellemēt q̄ plusieurs des sacristes pour  
ne tōber entres mains d'auerfaires seront con-  
traire de vuides et d'estre excilez de leursterrois  
& pais pour ne tōber entre mains des indiffe-  
rentz a leurs secte & religiō. Et pour ce que ve-  
nus entrant à l'Escorpion & mars. la suiuaēt viēt  
à signifier que durāt ceste Automnée lō essaira  
de faire mourir par venin & poison quelques  
femmes de grande qualité ceux entre les autres  
des principaux dominateurs de la terre ayant  
toute puissance obsolue r'en ensuira vne fin fu-  
neste & defaillement portētueux & ce que par  
potion enuenimée ne se fera peu paracheuer  
par autre moyen se viēdra accomplir avec vne  
grande infidelité & desloyauté & procedra la  
fin & l'origine de tels meurdriers & mortz de  
long temps cōiurez des personnes qu'on neut

iamais douté en cest endroit qui s'aimera se gardera tel pēsera estre bien esloigné q. en sera biē proche & tel bien proche qu'on ne pēsera aucunement a luy prochasser nullemēt embuches ne infidies & tel estre bien proche qui ne sen doute qui viēdra à mespriser cecy. Dieu par sa grace le vueille cōseruer & contregarder & les autres aussi, que apres quelque vns que serōt esté ostez du milieu ne aduiendra pas ainsi comme le promoteur de leur entreprise auroit deliberé de faire, mais luy succedera tout au contraire, pource que apres & deuers le milieu de cest Autonne & dedans le circuit d'iceluy les vns se osteront le bien des autres sans voie ne raisō, sans droit equité & iustice, & ce porteront les vns aux autres mauuaise volonté seront faites grandes pluies & si continuelles & en plusieurs lieux de la Gaule celtique, et belgique que lon cuidera le deluge de Eucaliū renouueller. Et p. opposite aux pties meridiōales de l'Europe de trentehuiēt a trenteneuf, quarāte quarātedeux degrez de leatitudo serōt faictes pluies mais exigēs deuers le commencement de l'Autōne au milieu plus grādes, & deuers la fin encores plus & suruiendront quelques nouueaux sectistes, qui viendront espargner et semer certaines folles erreurs au peuple, tellement que plusieurs d'entre eux pour la diuersité des sectateurs naistront grandes guerres, querelles noises, debatz discordes altercatisō, et en plusieurs assemblees les fers commenceront tellement de liure qui



sera faicte grande effusion de sang, & tellement que ceste nouvelle seméce viendra à dechasser la precedate, puis sortirōt encores de plus grandes emotions d'un pais cōtre l'autre serōt assemblez synodalement pour faire decesion d'aucus differentz & ne se pourront accorder et sen retournera tāt d'une partie que d'autre la plus part confus & mal contans et sen ce qui est & ce qu'estoit. Et pource que par vn aspect icy d'une cōiunction du Soleil à Mercure, et par le trine du Soleil à Mars que rien ne se pourra accorder & sera plus grand tumulte que iamais et ceux la plus grande perte qui auront excité par libelles diffamatoires par consertion de leur estat par excitation indeuë des choses assoupies & demy endormies, mesmes de ceux qui auront excité les larrons et auant ne soit lanée passée vous verre condescendre les choses estre et auoir esté tout ainsi qu'il est mis par escrit remettant le tout à la puissance infinie de Dieu le createur, auquel ie prie qui vueille pacifier & lire la malice des habitans de la terre, & qui luy plaise de reduire en paix et vnion concorde & en saincte religion la premiere Chrestiente.

#### De l'Hyuer 1562.

**L**Hyuer ceste année icy cōmencera vn samedi entrant au dimanche 12 de decembre à 11 heures quarante trois minutes apres midy à 18 degres 55 minutes de Canser par ascendant le

vingt septiesme degré de Virgo lequel sera en son commencement froid, sec, avec pluies neiges, brouillas, glaces, ventz et toutes autres mauuaises inclemences du temps et estat Saturne, Iupiter, Mars venus en la triplicite aquatique qui demonstre grandes & frequentes pluies et estre faitz plusieurs et diuers naufrages tât par mer que par terre, la mer pour les frequentes vagues & inondations estre inepte aux nauigans et estre de grandes submersions par fleuues et grandes riuieres enflées par les continuelles pluies, les guerres qui serôt assoupies se fera traictemēt des deux années sequentes de vers les lieux maritimes, Mars qui est in Sagitario fait que les gens de guerre voieront beaucoup & aux regions Septentrionales et occidentales seront les pluies si frequentes et si continuelles neiges, verglatz, glaces et brouillatz pelle melle le tout ensemble qu'a peine les vne pourrôt veoir les autres et donneront tel empeschement la mauuaise indisposition du temps tellemēt que en plusieurs lieux cuideront perir par eau, et en d'autres pais par les intollerables froideurs de neiges glaces, cuiderôt perir et le bestail en perira beaucoup les escriuains, medecins et autres de profession de mercure avec les viouialistes se querelleront ensemble les depredations les voleries dedans les villes et citez, plusieurs temples dediez et cōsacrez au seruice diuin a la culture et veneratiō de Dieu serôt prophanez spoliez et souillez de sang humain plusieurs des sectes et diuesité de

de religions monastiques tergiuersant de leurs  
voies & premiere profesion eux mesmes qui au  
ront conscillé secrettement & coniuration de  
Onyx et polluz leurs temples donnant secret  
eōscil aux brigandz, larrons et voleurs, par quel  
ques endroit deurōt entrer de nuit pour la pro  
phanation spoliatiō d'iceux des maladies durāt  
c'est hyuer seront fort grādes tres mauuaises et  
dēgereuses serōt plusieurs que par maladies dif  
finteriques et lieu teriques grād nombre de hy  
dropiques & phtiques qui perirōt c'est hyuer,  
ioict a ce qu'ilz serōt vne infinité de reumes, de  
catherres apoplexies paralisis, douleur de ioin  
ctures & arieres menassent dās ce solstice Hye  
mal & durant c'est hyuer icy qui tiēdra iusques  
au xj de Mars 1563 la ou reumes, catherres, de  
stilations de bruines & autres infinité de mala  
dies qui occuperōt les personnes, aagées & a la  
parfin que plusieurs d'entre eux periront. Et de  
vray mourront d'aucuns des plus grandz sei  
gneurs, et seront maladies que les ieunes gens,  
& autres se trouueront surprins de fieures con  
tinues & ardantes, avec alienation de sang, mais  
qui ne mourront poinct, et se trouueront estre  
aux bas iusques a la mort, d'autres que apres se  
stant par trop eschaufez et exercitez à ieu de ru  
deur spherique ce eschaufferont en telle sorte,  
se refroissant tout d'vn coup et tomberont en  
pleuresie et d'an sept iours pericliterōt iusques  
a la mort, et plusieurs qui mourront crachant  
le sang avec difficulté et extreme douleur pon-

gitiue aux costéz avec grande difficulté d'alaine que le septiesme iour la maladie fera iugement sinistre de leur mal que la mort à plusieurs sen ensuira apres, & la plus part serõt personnes de qualité icy dans ceste reuolutiõ de l'hyuer serõt enuoies quelques vns sous vmbre de recõciliatiõ de paix, auoir foy, assurence fidelité que geres n'auront loisir de se assurer & reconõstre qu'ilz seront mis violantemēt à mort et voyant la mort improuise & accellerée ne se doutāt de la pointure despoignatz si proche a peine aura il loisir de prononcer. Et heac auoir fides & en d'autres potestatz et petites mornarchies, apres auoir fait commettre plusieurs efusions de sang humain, tant de ses proches parentz que d'autres a la parfin seront succombez & tous de telle famille & de furnom stirpez & cruellemēt mis a mort. Par ceste reuolutiõ de l'yuer par Saturne, qui est in cãcro fait apparoir estre cõtinu el iusq̃s au quatorziesme iour d'Aoust. 1563.

#### Declaration des Lunes.

#### I A N V I E R.

En Iãuier nouvelle Lune le 5. iour dudit à huit heures 29 minutes deuant midy, à son cõmencement amenera froit & verglas et sur la fin neige.

Le premier quartier le 12 dudit a 8 heures 39. minutes apres midy, froit humide sur la fin sec. Pleine lune le 20 du susdit peu deuant vne heu-

re apres midy froit sec & sur la fin humide.

Dernier quartier sera 28 dudit à vne heure 39 minutes deuât midy, qui nous menace de neige avec châgemêt, puis sur la fin verglas & froit.

## F E V R I E R.

Nouvelle lune sera le 3 dudit à 4 heu. 33 min. a pres midy, amenât vêt humide, et la fin fruit sec

Premier quartier le 11 d'iceluy à 4 heu. 49. minutes deuât midy, qui sera froit & humide. Pleine lune le 19 dudit à 4 heu. et demye, 27 minut. deuant midy, sec & sur la fin troublement d'aer  
Dernier quartier le 26 à 8 heu. et demye 19, minutes deuant midy, qui amenera quelque rosée blanche.

## M A R S.

Nouvelle lune sera le 5 dudit à 4 heu. 37 min. deuant midy, téps pluuieux avec brouillas froit & en la fin troublement d'aer. Premier quartier le 12 dudit à 11 heu. 49 minu. apres midy, qui sera pluuieux. Pleine lune sera le 20 dudit à 6 heures 19 minutes apres midy, vêts & pluye, et sur la fin beau. Dernier quartier sera le 27 dudit à 2 heures & demye, 19 minutes apres midy, froit de matin.

## A V R I L.

Nouvelle lune le 3 dudit à 4 heures 43. minu. apres midy, qui sera pluuieux. Premier quartier

sera le 11. d'iceluy à 5. heur. 49 minut. apres midy  
quelque peu sec. Pleine lune le 19. dudit à 4.  
heures & demye 24. minutes deuant midy, qui  
nous menace de tonnerres. Dernier quartier  
le 25. à 9. heures 19. minutes apres midy, humide  
& sur la fin troublement d'aer.

### M A Y.

Nouvelle Lune sera le. 3. dudit à sept heures  
49 minutes deuant midy tonnerre, gresle, et tē-  
peste. Premier quartier le 11 à 10 heu. 18 minu-  
tes, deuant midy, au commencement chaud à  
la fin vêt humide. Pleine lune le 18 dudit à vne  
heure 28 minutes apres midy, qui sera sec avec  
quelque pluye legiere. Dernier quartier le 25.  
dudit à 3 heures et demye, 19 minutes deuant  
midy, pluye & sur la fin tonnerres.

### I V I N G.

Nouvelle lune sera le premier dudit peu apres  
minuict bon temps. Premier quartier le 9 dudit  
demye heure apres minuict vent & pluye & à la  
fin chaleur. Pleine lune le 16 d'iceluy à 10. heur.  
27 minutes apres midy, au commencement ton-  
nerre puis chaleur. Dernier quartier le 23 du-  
dit à demy heure apres midy temps fort brouil-  
lé & humide.

## I V I L L E T.

Nouvelle lune sera le 1 dudit à 2 heu. 9 minu.  
apres midy le commencement pluuieux, la fin  
beau. Premier quartier le 9. dudit à 1. heure 19.  
minutes apres midy vents humides & brouillas  
Pleine lune le 16 dudit à 3 he. 36 mi. deuant mi-  
dy eclipse lunaire avec nuées rouges, puis beau.  
Dernier quartier le 23 dudit à 1 heure 49 minu.  
deuant midy au commencement sec, & sur la fin  
tonnerre & gresle. Nouvelle lune le dernier  
du fufdit à 4 heures 15 minutes deuant midy,  
chaud & sec.

## A O V S T.

Premier quartier sera le 7 dudit à 8 heures &  
demye 19 minut. apres midy, qui sera quelque  
peu humide. Pleine lune sera le 14 dudit à 8 he.  
34 mi. deuant midy, qui nous menace de quelq  
tonnerre. Dernier quartier le 21 dudit à 4 heu.  
48. minut. apres midy au commencement pluie  
la fin froid sec. Nouvelle lune sera le 29 à 7 heu.  
33 minutes apres midy, mutation d'aergelle froi-  
de & pluuieux.

## S E P T E M B R E.

Premier quartier sera le 6 dudit à 4 heures  
49 miuutes deuant midy, quelque peu froid.  
Pleine lune le 12 dudit à 10 heure à 45 minut. a-  
pres midy. froid humide avec pluies legiers: Der-  
nier quartier le 20 dudit à 10 heur. & demye 19  
minutes deuant midy brouillas humide. Nou-  
uelle lune sera le 28 heu. 40 minu. deuant midy

vents pluuieux & sur la fin vents humides.

## O C T O B R E.

Premier quartier sera le 5 dudit à 9 heur. & demye 19 min. deuant midy menacent de verglas  
Pleine lune le 12 iour à 9 heures 49 minutes de uant midy, quelque peu de gellée.

Dernier quartier le 20 dudit à 6 heures & demye 18 min. deuat midy, froid & sur la fin beau.

Nouvelle lune sera le 27 du susdit à 10 heu 27 min, apres midy froit humide puis beau.

## N O V E M B R E.

Premier quartier sera le 3. heu demye 18. min. apres midy, pluuieux & sur la fin neige.

Pleine lune le 10. iour à 11 heu 39 minut. apres midy, froit & sec sur la fin chāgemēt de tēps.

Dernier quartier le 19 dudit à 3 heu. 49 min. deuant midy, brouillas puis neige & pluie.

Nouvelle lune le 26 dudit à 10 heures 22 minutes deuant midy froit humide.

## D E C E M B R E.

Premier quartier sera le 3 dudit à 1 heure 48. minutes deuant midy, neige & sur la fin changement de temps.

Pleine lune le 10 iour à 5 heur. 31 minu. apres midy, vent neige ou pluie, sur la fin froit & sec.



**Dernier quartier:** le 18 dudit à 8 heures & demye 19 minutes apres midy vent & neige, sur la fin pluie.

**Nouvelle lune** sera le 25 iour dudit à 9 heu. 27 min. apres midy, froid avec troublement d'aer.

### LES FOIRES DE LION.

**La foyre des Roys,** entrera le douziesme iour de Ianuier, & finera le dernier dudit moys.

**La foyre de Pasques,** commencera le sixiesme d'Auil, & finera le vintdeuxiesme dudit moys.

**La foyre d'Aouft,** commencera le quatriesme iour d'Aouft & finera le vingtcinquesme dud.

**La foyre de Touffainctz,** commencera le traisime iour de Nouembre, et finera le vingtiesme dudit.

### LES FOYRES D'AVIGNON.

**La Premiere** cōmencera le vingtcinquesme iour de Feurier, & durera huit iours.

**La seconde,** commencera le dernier iour de Septembre, & durera huit iours.

Finis.

Fault remaistre le tout au seigneur Dieu, & ne ce fault arrester au dict des hommes, Car il sont tous menteurs & n'ya que le Seigneur qui set tout, & a tout faict le ciel & terre, & ce fault du tout adresser à luy.

